



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Hierakosophion

Demetrius <Pepagomenus>

Lvtetiae, 1612

ciii. Ad nauseantem.

**urn:nbn:de:hbz:466:1-12846**

*Ad nauseantem.*

**L**ASER & suillam carnem aqua conspergito, eius cibatus tesselatim dato, & quamdiu cibum fastidit, tamdiu simili aqua carnem inspergito.

*Ad eum qui euomit cibum.*

**E**VOMVISSE cibum cognoscitur accipiter ex eo quod tristis est. Curatur ita. Folij partem vnam, & costi tantundem, piperis grana duo, in vnum tunsa, & cum melle subacta edenda præbeto.

*Ad cruditatem & nauseam, alia remedia.*

**S**I cibi permanent in stomacho crudi, eosque non euomuerit, vsque ad decimam diei horam nullus cibus est ei dandus, sed tantum aqua tepens cum oleo & sale in illius os infundenda est, aut aqua marina tepesfacta, & ita post horam aluum deijciet, & adiuuabitur: deinde eidem passeruli duo, troglodytæ appellati viui obiiciendi. Sed si ante cibum euomuerit, nihil dandum, nisi sola tepens aqua mista cum oleo: postero die gallinacei pulli vino potati, cibatus, & potui sanguis dandus.